

حرد علیہ

مشخت جلیله اسلامیه مک جربده رسمیه سیدر
ربیع الاول ۱۳۳۴ (*)


عزو: ۶۹

آیده بر نشر اولنور

ایکنجی سنه

« كتب موقوفه نك تأمین محفوظیتنه اعتنا ایدلسی حقنده »

داره دأمو ریتکیز داخلنده موجود بالعموم مکاتب ومدارسده وفتواخانه وکتبخانه لر ایله جوامع شریفه و تکایا وزوایاده وسائر محالده هر زده کتب موقوفه موجود ایسه کتابک ومؤلفنک اسمی ایله تاریخ تألیف وتحریرینک وصحیفه سی مقدارینک وخط وتبجید وتذهیب اعتباریله درجه تفاسنک ذات فاضلانله لری ومفتی و اوقاف مدیری ایله مدارس تشکیلاتی اجرا ایدیلان یرلرده مدرسه مدیرین مرکب بر قومیسون حضورنده بردفتره قید وتبیتیه زیری مصداقاً وکتب موقوفه نك مطبوع فهرستی بولندینی صورتده برر نسخه سیله معاً سریعاً اسرا وکتب موجوده نك تأمین محفوظیتنه صوک درجه ده دقت واعتنا اولنمسی وماحققات قضائنده بو وجهله تبلیغات ایفاسی سیاقنده شقه محبی رقیم قلندی.



اوقاف نظارت جلیله سی تبلیغات عمومی سی

« اجارات ومقاطعاتک صورت تحصیل وقید وصرفی وتحصیلدار عائداتی حقنده بعض ایضاحاتک بیاننه دائر »
اموال غیر منقوله انتقالات قانونیه حدود انتقالیه نك توسیعه مقابل ویر کو قیمتلرینک بیکده ایکی یجنی درجه سنه ابلاغ ایدلمش اولان اجارات ومقاطعات وقفیه نك وكذلك قانون محررک نشر واعلاننه قدر معاملات توسیعه سی ایفا ایدلمه مش مبانی وقفیه حقنده علاوه طرح ایدیلن بیکده یارم توسیع رخصتیه سنک استحصالاتی قیم سنویه کوره تعقیب اقتضا ایدیلکی کی متولیلرک جبات صلاحیتی ده رفع اولنه رق بالاده محرر توسیع رخصتیه سی ایله برابر اجارات ومقاطعات مذکورده نك نظارتجه تحصیل لازم کلش اولمغله بونلرک حین تحصیللرنده اساس دفتترلینه صورت تحریر واملاسی وملحقه یه عائدقسمنک وقفلرینه ایراد قیدی وموقتاً تحت اداره یه آلان اوقاف ملحقه نامنه تحصیلدارلر معرفتیه وقوعبوله جنی تحصیلاتدن مومی الیهمه اعطا اولنه جق عائدات قارشولغنک شکل تدارکی بوجه زیر ایضاح اولنور .

۱. — اوقاف مضبوطیه عائد اجارات ومقاطعات : بونلردن یوزده اون مصارف تحصیلیه توقیفی ایجاب ایتیه جکندن بونلرک حین جباتنده تمامنک سابقه ویا حالیه دن اولدیغنه کوره اساس دفترنده سنه حالیه و یاسنین سابقه وارداتلری حسابنه تحقق وتحصیل ارانه سی مقتضیدر .

٢. — اوقاف ملحقه به عائد اجارات و مقاطعات : ٢٦ تموز سنه ٣٣٠ تاريخي قانون معدل موجبجه بونلردن يوزده اون مصارف تحصيله استيفا ايديله جكندن واشبو قانونك نشر واعلاننه قدر استحصالات حقنمه اجارات و مقاطعات وقفه نك تحصيلي حقنمه كي ٤ اغستوس سنه ٣٣٩ تاريخي قانون حكمي ذاتاً تطبيق ايدلمش اولوب ارتق بوجهتك توضيحي زائد كورلدن كندن مارالذ كر ٢٦ تموز سنه ٣٣٠ تاريخن دن اعتباراً اجرا ايديله جك اجارات و مقاطعات وقفه ايله توسيع رخصتيه سي تحصيلاتندن هانكي سنه تحققاتندن بولتورسه بولنسون و كرك دفتر خاقاني دواثرينك توسطيله كرك رأساً شعبه وقفه نك مقبوضيله جبايت ايدلمش بولنسون اول امرده يوزده اونى بالحساب تنزيلاً تفريق اولنه رق رسوم و واردات متنوعه حسابنه و متباقى يوزده طقساني اجاره وله رق وقفه اضافه عائد اولديني سنه يه كوره حاله يه ويا سابقه واردات حسابلرينه ايراد قيد اولنق ايجاب ايدر. شوتعريفه نظراً هر هانكي ملحق بروقف نامنه بالفرض ايكي يوزغروش اجاره ويا مقاطعه تحصيل اولنسه بونك يوزده اونى اولان يكرمي غروشك خزينه يه عائد رسوم و واردات متنوعه حسابنه و متباقى يوز سكران غروشك ده وقفه اضافه سنه سنه كوره حاله ويا سابقه واردات حسابلرندن برينه قيدي لازم كلوب شو ايكي نوع مبلغك تفريقندن صوكره آرتق يكديكريه قطعياً علاقهي قالماديغندن حين تحصيل و ايرادنده تحصيل مذ كره سنده كيفيتك بوصورتله موضحاً بياني شكلنده ارانه سيله برابر اساس و معاونه دفاتر و قيودينه ده بوداثرده قيد وادخالي ايجاب ايدر .

وقفي نامنه ايراد قيد اولنه جق يوز سكران غروشه كلنجه : بونك ده بركونه ايليشكي اولمديني حالده شرط واقفه كوره قسماً ويا تماماً متوليسنه اصولاً ردی لزومی دركار اولوب بوتقديرده ده سالف اليان مثاله كوره سندنك يالكز يوز سكران غروشه تنظيم ايتديريله رك و مبالغ سائر مياننده آلينورسه اشبو مقدار اوزرندن مفردات آره سنده كوستريله رك تدقيقاتك تسهيلنه مدار اولق اوزره سندنك ظهرنده ويا خودبو كا عائد مقدارك حذا سنده) تاريخنده وقفي نامنه تحصيل اولنان غروش اجاره ويا مقاطعه دن غير از مصارف تحصيله وقفه ايراد قيد اولنان غروشدر) شرحي تحرير ايديله رك تحصيلاتك اجرا ايدليكي سنه يه كوره رديات ويا حاله يه انقلاب ايدن ديون تيرلرندن صولاً صرفي لازم كلور .

بوجه محرر کوسترین شکل رد یا لکز ملحق اوقافه محصور اولیوب موقتاً مضبوط اوقافده دخی اشبو ماده وجهله معامله ایفاسی مقتضیدر . آنجق بوقیل موقتاً مضبوط اوقافك اجارات و مقاطعاتدن غیری وارداتی اولدینی و بودجه خارجده دوران ایتکده بولوندینی تقدیرده وقفك صرفیاتی قسماً موازنه داخلنده و قسماً امانت حسابنده جریان ایتدیرمك ضرورت حالنی آلاچغندن بوتقدیرده قیود حسابیهك انتظامی ایله برابر آتیا تدقیقی ماده سنی ده تأمل ایجاب ایدر كه اشبو ایکی نقطه یی محافظه و تسهیل ایدر كه بر شکل تسویه تحریسی موافق اوله جغه مبنی بر قسم وارداتك بودجه یه داخل اولماسی حسیله اساساً امانتده اداره ایدلمکده اولان او قیل اوقاف شریفیه عائد اجارات و مقاطعاتك ماده سابقه وجهله ایراد قیدندن صوکره وقفه عائد قسمنك محسوباً حالیه یه انقلاب ایدن دیون و یا دیات ترتیلرینه مصرف و امانت ایرادارانه قلنق صورتیله كرك واردات و كرك صرفیاتك امانت حسابنده جمع و تدویری لازم کلور .

۳ . — عائدات بحی : بودجه قانونی موجبجه تحصیلدارلره تحصیلات واقع لری اوزرندن نسبت قانونیه سی دائره سنده و یریه لك عائداتدن مضبوطیه عائد قسمی تخصیصات عائد سندن و یریه لكی کی اوقاف ملحقهك اجارات و مقاطعاتدن مصارف تحصیلیه اوله رق افراز ایدیلن یوزده اونلر رأساً خزینه جه اخذ و بوجه بالا ایراد قید ایدلمکده اولمیرینه کوره بوتحصیلاته عائد عائدات ده وقفلرینه تعلق ایتدیرلیر كه كذلك تخصیصات مذکورده دن و یرمك ضروریدر . اوقاف ملحقه یه عائد اموال سائر تحصیلاتی عائدانه کلنجه : موضوع بحث اولان تحصیل اموال و وقفیه قانونی اجارات و مقاطعاته مقصور اولمی حسیله اموال سائریه تطبیق ایدیلیمیه جگنه بناء بونلردن قانون مذکور وجهله یوزده اون مصارف تحصیلیه استیفاسی ایجاب ایتیب یالکز امر تحصیلده وقوعبولان مصارفك استرداد و تحصیلاتندن توقیف و محسوبی ایله محاسبه وقفه ادخالی لازم کله جکندن اجارات و مقاطعاتدن غیری اموال دن اوله رق اوقاف ملحقه نامنه وقوعبوله حق تحصیلات ایچون نسبت معینه قانونیه دائره سنده تحقق ایتدیرلیر كه عائداتك ده كذلك تخصیصات محوله سندن تسویه اولنقله برابر اولمقدار مبلغك اشبو تسویه معامله سنی تعقیماً وقفك تحصیلات واقع سندن تحصیلك وقوعبولدینی سنیه کوره حالیه یه مدور دیون و یا ردیات ترتیلرندن معامله صرفیه سنك ایفاسیله محسوباً رسوم و واردات متنوعه اوله رق خزینه ایچون ایراده انقلاب ایتدیرلمسی ایجاب ایدر .

اخطار . — اوقاف ملحقه نامنه واقع اوله جق تحصيلاتدن اعضا ايديله جك عائدات تحصيليه حقنده ياپيله جق معامله على وجه التفصيل بالاده كوسـترملكه اولوجهله ايجاب حالك ايفاسى و آنجق كرك مضبوطيه و كرك ملحقه يه عائد بولنسون تحصيلدارلره يالكز طوغريدن طوغرى يه و بالذات واقع اولان تحصيلاتلرى ايچون عائدات اعطا اولنوب هانكى نوع اموالدين اولورسه اولسون حكماً و ياطوغريدن طوغرى يه مكلفين طرفندن بالذات كتوريلوب تسويه ايدملك صورتيله اداره و فقيهه اجرا ايديله جك تحصيلاتدن عائدات ويرلسى ايجاب يتيمه جكى و اجارات و مقاطعاتك صورت تحصيلي حقنده كى قانونك برنجى ماده سنك صراحتى موجبجه اموال مذكوره مكى اوله رق دفتر خاقانى اداره لرنبجه تحصيل و دور ايديله جك و مالى صندوقدن هر نه نام ايله اولورسه اولسون واقع اوله جق تحصيلاتدن تحصيلدارلره عائدات اعطاسى لازمكميه جكى نقاطى اهميته نظر دقته آلنه رق آكا كوره اقتضاسنك ايفاسى خصوصنك اوقاف اداره سنه تبليغى تعميماً تمى اولنور .

١٠ شوال سنه ١٣٣٣ و ٨ اغستوس سنه ١٣٣١



» توجيه جهات نظامنامه سنك قرق آلتنجى ماده سنك صورت و شرائط تطبيقيه سى حقنده «

مشروطيت وجهله تصرف اولميان امامت و خطابت كى جهات نيابتلرينك مسابقه امتحانى بالا جراك زياده اثبات اهليت ايدنلره توديعى و اعلان مسابقه ايدلديكى حالده بردن زياده طالب ظهور ايتمز ايسه اهليت مطلقه سنك ثبوت اقتراى ضمتده طالب منفردك اجراى امتحانى و ارباب اقتداردن هيچ بر طالب بولماز ايسه معامله توجيهيه نك قرق آلتنجى ماده نظاميه توفيقى توجيه جهات نظامنامه سى اقتضاسندن اولديغى حالده وارد اولان مضبطه لرك بعضيسنده معامله نك صور ثلثه توجيهيه نك هانكيسنه توفيقى ايدلديكنه دائر بركونه صراحت كوريله ممش و برده آنف الذ كر قرق آلتنجى ماده نك وظيفه سى قليل و يابروجه حسى اولان جهاتك ارباب اهليتدن طالب بولمديغى حالده اهالى طرفندن انتخاب و حاكم الشرع طرفندن تنسيب ايديلان ذوات صالحيه توجيه ايديله جكى يولنده كى مساعدۀ مخصوصه سى داخل مسابقه اوله جق مرتبه ده اهليتنامه يى حائر طالب لرك فقدانى خالنده وظائف دينيه معطل قالماق اوزره اهالينك ارباب زهد و صلاحدن انتخاب ايلدكلرى كيمسه لرك انتخاب اولندقلرى خدمت دينيه يى ايفايه كفايت ايدم جك درجه ده

معلوماتی و (ماتجوز به الصلاة) مقداری اقتدار قرائتی حائز اولدینی آکلاشلدقندن صکره حاکم الشرع طرفندن مظهر تنسیب اولدینی تقدیرده قبول توجیهی دیمک اوله جنی وارسته اشتباه اولوب بر ذاتک مجرد انتخاب اهالی به نائیتندن طولانی اهلیت و کفایتی آکلاشلمقسزین بوکبی وظائف مقدسه دینه نک کندیسنه تودیعی ایفای امر دیندن زیاده اخلال امر دین ایده جکی درکار و بونک رهین جواز اوله میه جنی آشکار بولنسنه بناءً ولوکه هیچ بر صورتله طالب اولسون انتخاب اهالی به استناداً واقع اوله جنی توجیهاتده درجه اقتداری طرف شرع شریفدن صورت خصوصیه و حقیقیه ده آکلاشلدقندن صکره تنسیب و انهایسی دها زیاده موافق شرع شریف اوله جنی شورای اوقافدن افاده قلنمش و مطالعات واقعه نظارتجده ده موافق کورلمش اولمغله بعدما صور محرره دائره سنده ایفای معامله یه اعتنا اولنسی لزومی تبلیغ اولنور .

★ ★

« مأمورین تالیه نک تعیین ، ترفیع ، عزل و تحویل لرینه عائد اوراقک عیناً ارسالی لزومنه دائر »

طشره اوقاف مأمورین تالیه سنک تعیین ، ترفیع ، تلطیف ، تنزیل ، عزل و تحویل لرینه عائد اوراقک سیجل احوال مأمورین نظامنامه سنک بشنجی ماده سنک بشنجی فقره سی موجبنه نظارت سیجل مخصوصه قید و دوسیه سنه وضع اولنمق اوزره عیناً ارسالی مقتضی بولنمش و شمیدی به قنر بعض مدیر و مأمورلرجه شوخصوصه رعایت ایدلمدیکی کورلمش اولمغله بعدما حیات مأمورینه تعلق ایدن بالعموم خصوصاتده بو دائره ده ایفای معامله یه اعتنا اولنسی لزومنک مأمورین وقفیه یه تبلیغ بیورلمسی بابنده امر و اراده .

۱۳ ذی القعدة ۱۳۳۳ ۹ ایلول ۱۳۳۱

★ ★

« نقود موقوفه و عوارض آقچه لرینک منتظماً تمیه سنه دائر »

ایتام اداره لرندن و محال سائرده دن مدور نقود موقوفه و عوارض آقچه لرینک منتظماً تمیه سنه اقدام و دوام ایله نمالرینک موقوف علیهلرینه اعطاسی لابد بولندینی و طرف معلای مشیختپناهیدن نقود مبحوثه نک دوری حقنده کی اساسات عمومیه نک تبلیغدن مقصد و غایه ده بوبابده کی اقراضاتک صورت ایفا و توثیقنه عائد معاملاتک بردائرة انتظام داخلنده

جریاتی تحت تأمینہ اخذدن عبارت اولدینی وایضاحات مسروده به و نقود موقوفه سرمایہ سنک اصلی بر مدت ایله مقصور اولسه بیلہ استہلاک شرع شریف احکامہ کورہ ممنوعاتدن ایدوکی جہتلہ امانات و مودوعات سائرہ حقندہ اولدینی کبی تعلیمات حسابیہ ایله اساس دفترلرندہ نقود موقوفہ نامیلہ حساب مخصوص کشادوتأسیس اولنقی صورتیلہ خصوصیات مبحوثہ نک بحق ایفاسنہ اہمیت مخصوصہ عطف اولنش بولنسنہ رغماً بعض شعبات وقفیہ جہ نقود موقوفہ و عوارض آقہ لرینک دوراً آلتان قسمنہ لایق اولدینی اہمیت ویرلیہ رک و بونلرک بر مدت ایچون اقراضی ترک و اہمال ایدیلہ رک اموال عمومیہ بہ متعلق مصارفدہ استعمال واستہلاک ایدلدیکی آکلاشلمش و بویلہ ممنوعیت قطعہ خلافندہ حرکتک موجب مؤاخذہ اولہ جفی درکار بولنش اولغلہ کرک مقام مشیخت جلیلہ دن کرک نظارتدن واقع اولان تبلیغات و اساسات دائرہ سندہ نقود موقوفہ و عوارض آقہ لرینک ارباح و استریاحیلہ نمالرینک مشروط لہلرینہ صرفی و سالف الیای حسابدہ محرر قارشولغنک حسن محافظہ سی و سائلنک استکمالی خصوصنک مأمورین وقفیہ بہ تبلیغ بیورلمسی بایندہ ۲۱ ذی الحجہ ۱۳۳۳ ۱۷ تشرین اول ۱۳۳۱

حاکمک برات شریفی

« شروط معینہ قانونیہ بی حائز بولنان غلطہ و مرسین و کوزلحصار آیدین قاضیلری حسن خیراللہ و حسن تحسین و یوسف ضیاءالدین افندیلرک حاکمک برات شریفنہ نائیلترلی حقندہ مابین ہایون ملوکانہ باش کتابت جلیلہ سنہ خطاباً یازیلان عرض تذکرہ سی صورتی »

قاضیلک شرائطی و قانون اساسینک سکسان برنجی مادہ سسندہ محرر برات شریفک صورت اعطاسنی مین ۷ رمضان سنہ ۱۳۳۲ و ۱۷ تموز سنہ ۱۳۳۰ تاریخی قانون موجبہ فتوی امینی افندی حضرتلرینک ریاستی تحتندہ مقام ثناوری مستشاری ایلہ قاضی عسکر و مجلس تدقیقات شرعیہ رئیس و مدرسة القضاة مدیر و کیلی افندیلر حضراتندن مرکباً تشکل ایدن انجمن مخصوصجہ اجرا قلنان تدقیقات و تحقیقات اوزرینہ تنظیم ایدیلن مضبطہ لردہ غلطہ و مرسین و کوزلحصار ایدین قاضیلری حسن خیراللہ و حسن تحسین و یوسف ضیاءالدین افندیلرک مکتب نوابدن مأذون اولوب مسلك قضادہ اون سنہ بی متجاوز مدت حسن ایفای و وظیفہ بہ موفقیہ تلہ حقارندہ برکونہ شکایت وقوع بولمامش